



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-3102-6-3/23 – SB/SA

Tuzla, 23.01.2024. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Preporuke Komisije za provođenje postupka ugovaranja zdravstvene zaštite broj: 03-11-1-3102-5/23, donosi se

## O D L U K A

### o izboru ponuđača – LOT 3 – ugovaranje ostalih djelatnosti primarnog nivoa zdravstvene zaštite za 2024. godinu za područje općine Doboj Istok

I  
U skladu sa Preporukom Komisije za provođenje postupka ugovaranja zdravstvene zaštite, za nabavku usluga ostalih djelatnosti primarnog nivoa zdravstvene zaštite za 2024. godinu, za koje je u sistemu Javnih nabavki objavljeno Obavještenje o nabavci usluge iz Aneksa II broj: 793-9-2-11-22-240/23 od 19.12.2023. godine, za LOT 3 bira se ponuđač JZU Dom zdravlja Doboj Istok.

## II

Na osnovu dostavljene ponude JZU Dom zdravlja Doboj Istok dodjeljuju se sredstva u iznosu od 724.289 KM, za pružanje slijedećih djelatnosti:

1. Zdravstvena njega u zajednici
2. Zdravstvena zaštita predškolske djece (od 0 do 6 god.)
3. Centar za imunizaciju
4. Zdravstvena zaštita žena
5. Zdravstvena zaštita kod specifičnih i nespecifičnih plućnih bolesti
6. Zdravstvena zaštita zuba i usta
7. Laboratorijska dijagnostika
8. Radiološka dijagnostika primarnog nivoa
9. Ultrazvučna dijagnostika
10. Centar za mentalno zdravlje u zajednici
11. Centar za fizikalnu rehabilitaciju
12. Apotekarska djelatnost za vlastite potrebe

Izabranom ponuđaču će se na osnovu člana 15. Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024.godinu, broj: 02/1-33-032042/23 od 12.12.2023. godine, koju je donijela Vlada Tuzlanskog kantona, dodijeliti i sredstva kako slijedi:

- |   |            |
|---|------------|
| - Higijensko epidemiološka zaštita .....                  | 51.003 KM  |
| - Hitna medicinska pomoć .....                            | 449.356 KM |
| - Usluge uzimanja i dostave laboratorijskih uzoraka ..... | 11.122 KM  |
| - Naknada na ime dostupnosti zdravstvene zaštite .....    | 283.867 KM |
| - Zdravstvena zaštita povratnika u RS .....               | 25.664 KM  |

Ukupna sredstva koja se dodjeljuju JZU Dom zdravlja Doboj Istok iznose 1.545.301 KM.

### III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona i usvajanjem Odluke Upravnog odbora ZZO TK o davanju Saglasnosti na zaključivanje ugovora, Ugovorni organ će sa izabranim ponuđačima zaključiti Ugovor o nabavci usluga ostalih djelatnosti primarnog nivoa zdravstvene zaštite za 2024. godinu – LOT 3.

U skladu sa članom 54. stav (3) Odluke Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024.godinu, sa JZU Dom zdravlja Doboj Istok će se ugovoriti i usluge Preventivni pregledi školske djece.

### IV

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

### V

Ova Odluka stupa na snagu danom donošenja.

## OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14 i 59/22), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024. godinu broj: 02/1-33-032042/23 od 12.12.2023. godine, koju je donijela Vlada Tuzlanskog kantona, člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i Saglasnosti Ministarstva zdravstva TK broj: 13/1-11-032715/23 od 19.12.2023. godine, a u vezi sa Uputstvom o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki („Službeni glasnik BiH“, broj: 80/22), dana 19.12.2023. godine, na Portalu javnih nabavki objavljen je Javni poziv za dostavu ponuda za ugovaranje ostalih djelatnosti primarnog nivoa zdravstvene zaštite za 2024. godinu.

Predmet Javnog poziva su zdravstvene usluge koje se pružaju na primarnom nivou zdravstvene zaštite kroz ostale djelatnosti primarnog nivoa zdravstvene zaštite u skladu sa Programom zdravstvene zaštite iz obaveznog zdravstvenog osiguranja za područje Tuzlanskog kantona, a koje su sadržane u slijedećim djelatnostima:

- a) Zdravstvena njega u zajednici
- b) Zdravstvena zaštita predškolske djece (od 0 do 6 god)
- c) Centar za imunizaciju
- d) Zdravstvena zaštita žena
- e) Zdravstvena zaštita kod specifičnih i nespecifičnih plućnih bolesti
- f) Zdravstvena zaštita zuba i usta
- g) Laboratorijska dijagnostika
- h) Radiološka dijagnostika primarnog nivoa
- i) Ultrazvučna dijagnostika
- j) Centar za mentalno zdravlje u zajednici
- k) Fizikalna rehabilitacija
- l) Apotekarska djelatnost za vlastite potrebe

Predmet nabavke je podijeljen na 13 LOT-ova.

Procijenjena vrijednost nabavke iznosi ukupno 29.460.391 KM, koja vrijednosti za LOT 3 iznosi 724.289 KM.

Kriterij za odabir ponuđača bio je ekonomski najpovoljnija ponuda.

Javni poziv je bio otvoren do 29.12.2023. godine, do 13:00h.

Do krajnjeg roka za dostavu ponuda, ponudu za LOT 3 dostavio je ponuđač JZU Dom zdravlja Doboj Istok, a ponuda je od strane postupajuće Komisije ocijenjena kao prihvatljiva. S obzirom da je za LOT 3, ponudu dostavio jedan ponuđač, nije izvršeno bodovanje predviđeno u skladu sa tačkom 6. Javnog poziva.

Isto je konstatovano u Zapisniku o otvaranju, pregledu i ocjeni ponuda.

U skladu sa gore navedenim i tačkom 7. Javnog poziva, sa ponuđačem JZU Dom zdravlja Doboj Istok dana 18.01.2024. godine, su provedeni pregovori, o čemu je sačinjen Izvještaj o prijedlozima i sporazumima do kojih se došlo tokom pregovora, kao i Zapisnik o provedenim pregovorima.

Po okončanju pregovora, postupajuća Komisija je dala Preporuku da se za LOT 3, pružanje usluga ostalih djelatnosti primarnog nivoa zdravstvene zaštite, dodijeli ponuđaču JZU Dom zdravlja Doboj Istok.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u tački I dispozitiva ove Odluke.

#### **POUKA O PRAVNOM LIJEKU:**

Protiv ove Odluke može se izjaviti Žalba Uredu za razmatranje žalbi putem ovog Ugovornog organa, najkasnije u roku od 10 dana od dana prijema ove Odluke.

#### **Dostavljeno:**

1. Ponuđaču (e-mail)
2. a/a



**DIREKTOR**

**Doc.dr.sc. Denis Husić, dipl. pravnik**

